



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab Anno Christi 1176. Usque Ad Annum 1203

**Fleury, Claude**

**August. Vind. [u.a.], 1763**

**VD18 90118022**

§. 16. Literæ Archiepiscopo Eboracensi faventes.

---

[urn:nbn:de:hbz:466:1-66394](https://nbn-resolving.de/urn:nbn:de:hbz:466:1-66394)

Sæcul. XII.  
A.C. 1199.

## §. XVI.

*Literæ Archiepiscopo Eboracenſi  
faveentes.*

Rog. p. 766.  
Sup. Lib.  
LXXXII.  
§. 53.

Anno millesimo centesimo nonagesimo sexto Cœlestinus III. Papa sententiam suspensionis, ob contumaciam anno superiore contra Godefridum Archiepiscopum Eboracensem pronunciatam, abstulit. Nam Præful ille Romam veniat, & quamvis primo Papam offensum habuisset, & difficilem, postquam tamen Romæ diu hæsisset, & eum & ipsius adversarios Papa in conspectum admisit. Archiepiscopus constanter affirmavit, omnia, quæ sibi objiciebantur, falsa esse; nec ejus Adversarii onus illa probandi in se suscipere ausi sunt. Itaque Pontifex Godefridum ad Ecclesiam suam remittit, munere Archiepiscopali funeturum, jubetque Eboracen sis provinciæ Clericos ei obedire, postquam accusationis capita plene diluisset. At Richardus Rex, qui bona temporalia Archiepiscopatus occupaverat, hac absolutione irritatus, Archiepiscopi mandatarios prohibuit, Ecclesiæ ejus administrationem capessere, quin etiam Cathedralis Ecclesiæ Præbendas, ceteraque Beneficia vacantia, aliis, ut ipsum est, contulit. Ita Archiepiscopus Roma

Roma reversus, Ditiones Richardi Re- Sæcul. XII.  
gis, quem nec placare potuit, nec ad A.C. 1199.  
possessionem vel Juris spiritualis vel tem-  
poralis in Archiepiscopatu suo perveni-  
re, attingere non est ausus, & ali-  
quamdiu in Francia versatus, Romam  
rediit.

Postquam Innocentius III. S. Petri *Rog. an.*  
Cathedram concendit, Godefridus Ar- 1198.p.785.  
chiepiscopus primo Pontificatus ejus.  
anno ab ipso literas impetravit, in quibus  
Regem Richardum, Godefridi fratrem  
hortatur; eum in gratiam reciperet, at-  
que ad Ecclesiam suam redire permit-  
teret. Addens, nisi acquiesceret, fore  
ut ad Censuras Ecclesiasticas contra Re-  
gem & Ditiones ejus adhibendas com-  
pelleretur. Rex Philippo Episcopo Du-  
nelmensi, aliisque Episcopis quatuor,  
ad Archiepiscopum missis, suo nomi-  
ne rogari eum jussit, ut Acta, quibus  
varia Bona ad Archiepiscopalem Eccle-  
siam pertinentia aliis donasset, rata ha-  
beret, eique sancte promitti, hac condi-  
tione totum Archiepiscopatum esse re-  
cuperaturum. Respondit Archiepisco-  
pus: *Collegæ & Fratres mei estis, se-  
quar, quod suggeritis consilium, si scripto  
mibi promittitis, vos consensum Papæ  
esse impetraturos.* Noluerunt Episcopi  
hac in re vades se dare, & ad Regem  
reversi detulerunt responsum Archiepi-  
scopi,

M m 5

Sæcul. XII. scopi, quo Romam iterum proficisci-  
A.C. 1199. te, Rex nuncios misit, contra eum in  
2. ep. 57. Curia Romana acturos. Tunc Papa,

data humanissima Epistola, Regem Ri-  
chardum per Reverentiam sacræ Sedis,  
& propriam ipsius gloriam obtestatur,  
ut placari se sineret, Archiepiscopum E-  
boracensem, fratrem suum, in gratiam  
secum redire, ac jurgia litesque, qua-  
intercessissent, ex consilio & arbitrio  
Archiepiscopi Rotomagenis atque Ab-  
batis Persigniacensis, componi patere-  
tur. Addit, se Cardinali Petro Capua-  
no Legato suo in mandatis dedisse, ut  
apud Regem Archiepiscopo redditus re-  
stitui peteret. Hæc Epistola vigesima  
octava Aprilis anno millesimo centesimo  
nonagesimo nono data. In alia Episto-  
la adjecit Papa, se Cardinali præcepis-  
se, si refractarios haberet, primo pro-  
vinciam Eboracensem, & post aliquod  
temporis spatium totam Angliam Inter-  
dicto constringeret. Tandem jussit  
Cardinalem, eos, qui Beneficia Ecclesiæ  
Eboracensis, ex quo suspensus fuisset  
Archiepiscopus, accepissent, ad ea ab-  
dicanda compellere, nec ullam ratio-  
neum excusationis frivolæ habere, quod  
ea de manu Regis obtinuissent.

ep. 59.

ep. 60.

§. XVII.